

道德真經論卷之四

司馬氏註

治人事天莫若嗇者嗇精神夫唯嗇是謂早復早復謂之重積德不違而復不離於德可以修身重積德則無不克含德不忘履可放乎無

不克則莫知其極廣運莫知其極可以有國然後能保其國家有國之母可以長久毋謂

存神育德是謂深根固蒂長生久視之道

治大國若烹小鮮緩之則爛以道莅天下其鬼不神物各得其所無殃災非其鬼不神其

神不傷人寒暑風雨變化生成非其神不傷人聖人亦不傷人聖人與鬼神合其吉凶夫

兩不相傷故德交歸焉民神之主也聖人不傷人則神亦不傷矣

大國下流天下之交天下之牝交猶歸家也

言大國所以為王霸下流所以為江海皆以此化常以靜勝壯以其靜為之下覆解此之為德故大國以下小國則取小國小國以下大國則取大國故或下以取或下而取以取取人而取為人所取大國不過欲兼畜人小

國不過欲入事人兩者各得其所欲故大者宜為下畏天者保其國樂天者保天下

道者萬物之奧也妙萬物而為言善人之所寶守而用之不善人之所保依於有道以自安美言可以市尊行可以加人美而言之可以使人從教若市之得物尊而行之可以使人

人心服必不為人下人之不善何棄之有所貴於道者為其兼容教化若中者棄不中者棄不才不得為有德故立天子置三公立君

以司牧其民置輔以師保其君雖有拱壁以先駟馬不如坐進此道拱壁大如拱也古

者進物必有以先之實用有盡道月無窮古之所以貴此道者何不曰求以得有罪以免

邪故為天下貴有求而循道者無不得有過而從道者無不免

為無為事無事味無味大小多少報怨以德視小若大視少若多犯而不校圖難於其易

為大於其細天下難事必作於易天下大事必作於細是以聖人終不為大故能成其大

就就業業一日二日萬幾故能無為而治夫

輕諾必寡信助子思無信諾多易必多難小人先易而後難是以聖人由難之故終無難矣君子先難而後易

其安易持其未兆易謀其脆易破其微易散為之於未有治之於未亂合抱之木生於叢

木九層之臺起於累土千里之行始於足下皆言防微慎始為者敗之傷自保執者失之

歸於物是以聖人無為故無敗無成無虧無執故無失無喪無得民之從事常於幾成而

敗之慎終如始則無敗事是以聖人欲不欲不貴難得之貨聖人所欲者不欲也故不貴

珍奇學不學復衆人之所過以輔萬物之自然而不致為衆人用心過分更成貧死故人

所學者在於不學以復衆人之所過萬物生成皆不出自然聖人但以輔之不敢強有所為也

古之善為道者非以明民將以愚之去華務實運淳反樸民之難治以其智多委詐亂政

故以智治國國之賊上下相欺不以智治國國之禍王道正直知此兩者亦指式也常知

楷式是謂玄德知用智不若不用非有精微之德其孰能與於此玄德深矣遠矣與物反矣乃復至於大順物情莫不貴智而有玄德者備哉之惟及於物乃順於道

江海所以能為百谷王者以其善下之故能為百谷王是以聖人欲上入以其言下之欲先入以其身後之是以處上而人不重處前而不害是以天下樂推而不厭以其不爭故天下莫能與之爭

天下皆謂我道大似不肖肖似也言異於衆人夫唯大故似不肖若肖久矣其細也夫我有三寶保而持之一曰慈二曰儉三曰不敢為天下先夫慈故能勇仁者必有勇儉故能廣為者則有餘不敢為天下先故能為成器長成器者成性也為厚教之文故曰為成器也今捨其慈且勇捨其儉且廣捨其後且先死矣必為物所害夫慈以戰則勝以守則固仁者衆之所附天將救之以慈衛之人不忍傷善為士者不武以德服人善戰者不怒我祖

惟求定善勝敵者不爭不與而在人兵善用者為之下得其歡心是謂不爭之德是謂用人之力是謂配天古之極也德與天合自生民以來無以加也

為已任者謂人加於己已不得已而應之不敢進寸而退尺讓而不貪是謂行無行不行而自王攘無臂無臂而可以操人仍無敵敵自服不必仍執無兵不執兵而全勝禍莫大於輕敵輕敵則幾喪吾寶寶謂三寶故抗兵

相加者勝矣辭且而不爭者為東所東吾言甚易知甚易行易簡天下莫能知莫能行稍一言有宗體要事有君道本夫唯無知是以不我知有知則知道矣知我者希則我貴矣道大故知之者鮮是以聖人被褐懷王裝以養正知不知上不知知病知之如不知則逆怨不知而無知則招患夫唯病病是以不病聖人之不病以其病病是以不病病人能自知其病斯不其病矣

民不畏威則大威至勇畏人畏無狹其所安不得地而安之無厭其所生甘其食美其服夫惟不厭是以不厭不厭於物亦不為物所厭是以聖人自知不自見人不知而不愠自愛不自貴身以自世故去彼取此去外茲取

內樂勇於敢則殺勇於不敢則法知此兩者或利或害天之所惡孰知其故是以聖人猶難之人知此而逃殺此法是利也亦有知此而更速死者害也豈非天之惡人如此乎孰能知其意哉是以聖人於天道亦不敢易言之

天之道不爭而善勝任物自然物莫能違不言而善應隨其順過應以吉凶不召而自來不我而進不行而至緝然而善謀無說不忽遠而事無不成天網恢恢疎而不失恢恢大貌民常不畏死奈何以死懼之見利則忘生是不畏死若使人常畏死而為奇者吾得執而殺之夫孰敢也奇邪也常有司殺者殺天將去惡必假手於一人夫代司殺者殺是謂代

大匠斲者希不自傷其手矣夫作以

民之飢以其上食稅之多是以飢民之難治

以其上之有為是以難治獲之故難治民之

輕死以其求生之厚是以輕死求利所以養

生也而民常以利害其生夫唯無以生為者

是賢於貴生外其身而身存

民之生也柔弱其死也堅強萬物草木生也

柔脆其死枯槁故堅強者死之徒柔弱者生

之徒是以兵強則不勝兵弱則勝木強則共

強大處下柔弱處上

天之道其猶張弓乎高者抑之下者舉之有

餘者損之不足者與之虧盈益謙天之道損

有餘補不足人之道則不然損不足以奉有

餘以貴抑賤以富奪貧以智加愚以賢陵不

肖孰能以有餘奉天下唯有道者是以聖人

為而不恃功成不處其不欲見賢邪聖人功

德有餘故推以與人

天下柔弱莫過於水而攻堅強者莫之能勝

以其無以易之也故柔勝剛弱勝強天下莫

不知莫能行是以聖人之言云愛國之垢是

謂社稷主受國不祥是謂天下王故正言若

和大怨者必有餘怨安可以為善是以聖人

執左契而不責於人故有德司契無德司徹

天道無親常與善人

小國寡民使有什伯之器而不用使民重死

而不重復受生安土雖有舟與無所乘之不

進雖有甲兵無所陳之不予使民復結繩而

用之不相欺甘其食美其服安其居樂其俗

雖欲遠遊自以為甘美安樂鄰國相望雞

犬之音相聞信近民至老死不相往來無求

信言不美實直美言不信善巧善者不辯言

人寡辭辯者不善言言不實者不博一以

實之博者不知多岐亡羊聖人不積不私無

物既以為人已愈有德無窮既以與人已

愈多損之而益天之道利而不害春生秋成

以美利利天下聖人之德為而不爭不能無

為然輔而不強

道德真經論卷之四

道德真經註卷之一

山陽王弼註

道可道非常道名可名非常名可道之道可

名之名指事造形非其常也故不可道不可

名也無名天地之始有名萬物之母凡有皆

始於無故未形無名之時則為萬物之始及

其有形有名之時則長之有之卒之毒之為

其母也言道以無形無名始成萬物以始以

成而不知其所以玄之又玄也故常無欲以

觀其妙妙者微之極也萬物始於微而後成

始於無而後生故常無欲空虛可以觀其始

物之妙常有欲以觀其微微歸終也凡有之

為利必以無為用欲之所本適道而後濟故

常有欲可以觀其終物之微也此兩者同出

而異名同謂之玄玄之又玄眾妙之門向者

始與無也同出者同出於玄也異名所施不

可同也在首則謂之始在終則謂之母玄者

冥也默然無有也始母之所出也不可得而

名故不可言同名曰玄而言謂之玄者取於

不可得而謂之然也謂之然則不可以定乎